

Evening Dogri (NSD)

06-06-2024

आकाशवाणी

- 1 केंद्र च एनडीए दी अगली सरकार बनाने गित्तै त्यारियां तेल, बीजेपी अध्यक्ष जे.पी.नड्डा होरें नमीं दिल्ली च अज्ज पार्टी दे सीनियर लीडरें दी बैठक सही।
2. केई गोआंडी मुल्लें दे नेता प्रधानमंत्री मोदी हुंदे शपथ ग्रहण समारोह च शामिल होंगन।
- 3 लोक जनतांत्रिक पार्टी (राम विलास गुट) दे अध्यक्ष चिराग पासवान होरें विरोधी धड़ें दे नेताएं आस्सेआ उंदे कन्नै राबता कीते जाने दिएं खबरें दा खंडन कीता ऐ।
- 4 सूचना ते प्रसारण सचिव संजय जाजू होरें दिल्ली च प्रधानमंत्री हुंदे शपथ ग्रहण समारोह दे प्रसारण गित्तै तैयारिएं दी समीक्षा कीती।
- 5 केंद्री सेहत मंत्रालय नै सब्बनें राज्यें कन्नै बैठक लाइए सोए दौरान अस्पतालें च अगग लगगने कोला बचा ते ऐसी सूरता च सुरक्षा बंदोबस्तें दी समीक्षा कीती।
- 6 आई.सी.सी-टी 20 विश्व कप च ग्रुप स्टेज च भारत दा अगला मैच 9 जून गी पाकिस्तान कन्नै ते 12 जून गी अमरीका कन्नै होगा।

<><><><><><>

Nadda-Meeting

राश्ट्रीय जनतांत्रिक गठबंधन एनडीए आस्सेआ नमीं सरकार दे गठन गी लेइए गतिविधियां तेज होई गेइयां ना इस्सै सरबंध्यै च भाजपा अध्यक्ष जे.पी नड्डा होरें नमीं दिल्ली च केंद्री मंत्रिएं ते पार्टी दे वरिष्ठ नेताएं कन्नै बैठक कीती। बैइक च गृह मंत्री अमित शाह, रक्षा मंत्री राजनाथ सिंह, केंद्री मंत्री पीयूष गोयल, मनसुख मांडविया, प्रहलाद जोशी, अश्विनी वैष्णव, भाजपा दे राश्ट्रीय महासचिव तरूण चुग, पार्टी नेता विनोद तावडे ते होर दुए नेता मौजूद हे। जनता दल यूनाइटेड दे केई नेताएं बी दिल्ली च पार्टी अध्यक्ष ते बिहार दे मुख्मंत्री नितीश कुमार हुंदे आवास पर बैठक कीती। एहू बैठक एनडीए नेताएं आस्सेआ सब्बनें दी सहमति कन्नै प्रधानमंत्री नरेंद्र मोदी होरें गी नेता चुनने दे इक दिन मगरा होई। एनडीए गठबंधन च च शामिल दलें दे संसदीय दल दी बैठक कल नमीं दिल्ली च होगा। एहूदे च बीजेपी, डी.टी.पी, जनता दल युनाइटेड, LJP (R) शिव सेना, JK (S) ते होर सहयोगी दलें दे नमें चुने गेदे सांसदें दे शामिल होने दी मेद ऐ।

<><><><><><>

JDU Cabinet

जनता दल यूनाइटेड नै आखेआ ऐ जे उन्नै नमीं एनडीए सरकार च मंत्री दे ओहदे गी लेइए कोई शर्त नई रक्खी ऐ। पार्टी प्रवक्ता के.सी त्यागी होरें आकाशवाणी समाचार कन्नै गल्ल करदे होई आखेआ जे भारती जनता पार्टी अध्यक्ष जे.पी. नड्डा ते केंद्री मंत्री राजनाथ सिंह होरें गी सरकार दे गठन दे सरबंध्यै च एनडीए गठधन च सहयोगी दलें कन्नै गल्लबात करने दी जिम्मेदारी दित्ती गई ऐ। इस सरबंध्यै च बैठकां होआ रदियां न। उआं उनें आखेआ जे पार्टी बिहार आस्तै खास दर्जा चाहंदी ऐ की जे एहदे कन्नै राज्य दी गरीबी, बेरोजगारी ते लोकें दे पलायन दे मुद्दें पर ध्यान दित्ता जाई सकोग। जेडी (यू) नै लोकसभा च 12 सीटां जित्तियां न ते एनडीए दी नमीं सरकार च एहू अहम भूमिका निभाग।



Opposition-Leaders Meeting

इंडी गठबंधन दे नेताएं दी नमीं दिल्ली च बैठक लगगी। तृणमूल कांग्रेस दे राष्ट्रीय महासचिव ते सांसद अभिषेक बनर्जी ते पार्टी नेता डेरेक. अे ब्रायन होरें समाजवादी पार्टी प्रमुख अखिलेश यादव हुंदे कन्नै मलाटी कीती। आम आदमी पार्टी नेता ते राज्यसभा सांसद राघव चड्डा होरें शिवसेना नेता संजय राउत हुंदे कन्नै मलाटी कीती। एहदे थवां पैहले कल दिल्ली च इंडी गठबंधन नेताएं दी कांग्रेस अध्यक्ष मल्लिकार्जुन खड्गे हुंदे कन्नै उंदे आवास पर बैठक लगगी ही।



Bangladesh PM India

केई गोआंडी मुखें दे नेता प्रधानमंत्री मोदी हुंदे शपथ ग्रहण समारोह च शामिल होंगन। बंगलादेश दी प्रधानमंत्री शेख हसीना प्रधानमंत्री नरेंद्र मोदी हुंदे शपथ ग्रहण समारोह च शामिल होने आस्तै कल रवाना होडन। ओहू प्रधानमंत्री हुंदे शपथ ग्रहण समारोह मगरा 9 जून गी वापस ढाका परतोई जाडन। प्रधानमंत्री नरेंद्र मोदी होरें फोन पर बंगलादेश दी अपन हमरूतबा हुंदे कन्नै गल्ल कीती ते इस समारोह च शामिल होने दा साहा दित्ता जिसे उनें स्वीकार करी लैता। एहदे थवां पैहले कल शेख हसीना होरें लगातार त्री बारी चुनां जित्ते आस्तै मोदी होरें गी मुबारकबाद दित्ती। फोन पर होई दी गल्लबात च हसीना होरें प्रधानमंत्री होरें गी बंगलादेश दे लोक, उंदी सरकार ते उंदे परौआर आले लोकें दी तरफा मुबारकबाद दित्ती ही। श्रीलंका दे राष्ट्रपति रानिल विक्रमसिंधे होरें प्रधानमंत्री नरेंद्र मोदी हुंदे शपथ ग्रहण समारोह च शामिल होने दा साहा स्वीकार करी लैता ऐ। शपथ ग्रहण समारोह 8 जून गी होई सकदा ऐ। राष्ट्रपति विक्रमसिंधे होरें प्रधानमंत्री होरें गी फोन करिए लोकसभा चुनाएं च लगातार त्री बारी जित्त हासिल करने पर उनेंगी बदाई दित्ती। इस दौरान मोदी होरें श्रीलंका दे राष्ट्रपति होरें गी अपने शपथ ग्रहण समारोह च शामिल होने दा साहा दित्ता जिसे राष्ट्रपति होरें स्वीकार करी लैता।



NDA-Ally Chirag

लोकसभा जनशक्ति पार्टी दे प्रधान चिराग पासवान होरें विरोधी धड़ें दे नेताएं आस्सेया उंदे कन्ने राबता कीते जाने दिएं खबरें दा खंडन कीता ऐ। अजे कि उनें एह आरोप लाया ऐ जे विरोधी धड़ा इस चाल्ली दिएं कोश्टें च लग्गे दा ऐ। प्रधानमंत्री नरेंद्र मोदी हुंदे लेई अपना पूरा समर्थन प्रगट करदे होई पासवान होरें आखेआ जे मोदी होरें गी त्री बारी प्रधानमंत्री बनने दा जनादेश थ्होआ ऐ ते कोई बी सहयोग एहदा अपमान नेई करी सकदा। उनें आखेआ जे तौले गै एनडीए दी सरकार बनोग ते अपने 5 साल पूरे बी करोग।

<><><><><><>

Preparations Swearing IN

सूचना ते प्रसारण मंत्रालय नै इक्क बैठक च लगातार त्री बारी प्रधानमंत्री दे तौर पर नरेंद्र मेदी हुंदे शपथ ग्रहण समारोह थवां पैहले राष्ट्रपति भवन च कवरेज आस्तै त्यारिं दी समीक्षा कीती। सूचना ते प्रसारण सचिव संजय जाजू, प्रसार भारती दे सीईओ गौरव द्विवेदी, आकाशवाणी दी महानिदेशक मौसमी चक्रवर्ती ते दूरदर्शन दे महानिदेशक कंचन प्रसाद सनें केई वरिष्ठ अधिकारी मौजूद हे। कल नमीं दिल्ली च आयोजित इक बैठक च एनडीए गठबंधन दे नेताएं सब्बनें दी सहमति कन्नै नरेंद्र मोदी होरें गी गठबंधन दे नेता ते प्रधानमंत्री दे तौर पर समर्थन कीता।

<><><><><><>

Odisha-Govt. Formation

ओडिशा च हाल च सम्पन्न विधानसभा चुनां च बीजेपी दी शानदार जित्त दे बाद पार्टी मुखमंत्री पद लेई केई नाएं पर सोच विचार करा करदी ऐ। बीजेपी नै राज्य दे सब्बनें 20एं नमें चनोए दे सांसदें गी कल पार्टी दे बड्डे नेताएं कन्नै चर्चा लेई दिल्ली सद्देया ऐ। पार्टी नेतृत्व राज्य च बीजेपी दे पैहले मुखमंत्री लेई नाएं पर चर्चा करोग ते सरकार गठन लेई योजना बी तैयार करोग। मुखमंत्री दे ओहदे लेई 6 बारी सांसद रेही चुके दे ते साबका केंद्री मंत्री जुएल ओरम, केंद्री मंत्री धर्मेन्द्र प्रधान ते भारत दे साबका काम्पट्रोलर ते आडिटर जनरल गिरीश चंद्र मुर्म हुंदे सने केई होर नाएं पर विचार कीता जा'रदा ऐ।

<><><><><><>

RS-Notification

केरल सोयां राज्यसभा दी त्रै सीटें आस्तै अधिसूचना जारी होई गेई ऐ। भारतीय कम्युनिस्ट पार्टी नेता बिनाय बिस्वाम, मार्क्सवादी कम्युनिस्ट पार्टी नेता एलामारम करीम ते के.सी.एम पार्टी दे नेता जोस के मणि दा कार्यकाल पैहली जुलाई गी खत्म होआ रदा ऐ। महाराष्ट्र दे राज्यसभा दी इक सीट दे उप चुनां दी अधिसूचना बी जारी होई। एह सीट राष्ट्रवादी कांग्रेस पार्टी नेता प्रफुल्ल पटेल हुंदे इस्तीफे करी खाली होई ऐ। केरल ते महाराष्ट्र आस्तै नामांकन इस म्हीने दी 13 तरीक तगर भरे जाई सकदे ना। मतदान 25 जून गी कराया जाग। इस दौरान राज्यसभा दे 9 सदस्य हाल च गै होए दे आम चुनां च जित्ती गए हे। इंदे च असम थवां सर्वानंद सोनोवाल ते कामख्या प्रसाद तासा, बिहार सोयां विवेक ठाकुर, मीसा भारती हरियाणा थवां दीपेंद्र सिंह हुड्डा, मध्य प्रदेश थवां ज्योतिरादित्य सिंधिया, महाराष्ट्र सोयां पीयूष गोयल, त्रिपुरा थवां विपल्व कुमार देव ते राजस्थान सोयां के.सी. वेणुगोपाल शामिल ना।

Health-Minister Heat

केंद्री सेहत मंत्रालय नै सोए दे म्हीने दौरान लू कोला बचा गितै तैयारिएं ते अस्पतालें च अगग लग्गने दी घटनाएं गी रोकने दे उपाएं लेई बक्ख-बक्ख राज्यें कन्नै इक समीक्षा बैठक कीती जेदा संचालन सेहत सेवाएं सरबंधी महानिदेशक अतुल गोयल होरें वर्चुअल ढंग्गै नै कीता। बैठक च दस्सेया गेआ जे सब्बै राज्य ते केंद्र शासित प्रदेशें दे बड्डे अफसर हालात पर नेड्डी तक्क रक्खा करदे न ते अगग लग्गने दी सूरतै च मरीजें, कर्मचारिएं ते तीमारदारें गी सुरक्षत बाहर कड्डुने लेई इक आपात योजना बनाई गेदी ऐ।

<><><><><><>

Sunita Williams NASA

भारती मूल दियां नासा दियां अंतरिक्ष यात्री सुनीता विलियम्स ते उन्दे कन्नै इक्क होर अंतरिक्ष यात्री Butch Wilmore होर पैहले नेह मिशन उप्पर Boeing Starliner च अंतरिक्ष च डुआरी भरने आहली पैहली महिला बनी गेइयां न। 59 बरें दियां विलियम्स होरें इस मिशन च डुआरी भरियै इतिहास रची दित्ता ऐ। फ्लोरिडा च अभियान गी कल cape anaveral space force station थमां united launch alliance atlas v rocket राएं शुरू कीता गेआ। केई बरें थमां लग्गा रदे चिर मगरा एह डुआरी यकीनी बनी सकी ऐ। पैहली मानव डुआरी 7 मई गी शुरू होना तय हा, मगरा helium रिसाव दे करी चिर लग्गने ते फ्ही ULA च खल्की सतह उप्पर बिजली सप्लाई दे मुद्दे करी डुआरी च रूकावट आई। एह त्री कोशिश ही जे डुआरी लेई 90 फीसदी मौसम बी साजगार हा। 61 बरे दे श्री Butch होर डुआरी दी कमान संभालडन। सुश्री विलियम्स होर डुआरी दा संचालन करंगन।

<><><><><><>

IPEF-India Deligation

भारत नै सिंगापोर च चलै करदे इंडो पैसीफिक इकोनामिक इन्वेस्टमेंट फोरम दे उद्घाटन सत्र च हिस्सा लैता। भारती शिष्टमंडल दा नेतृत्व बपार मैहकमे दे सचिव सुनील बर्थवाल हों कीता। इस मौके पर उनें आखेआ जे वैश्विक निवेशकें, परियोजना सम्पर्के, नीति निर्माताएं ते शिक्षाविदें गी इक थारै पर आहिनए हिंद प्रशांत क्षेत्र च स्थाई बुनियादी ढांचे गी अगडे बधाना असान होई सकदा ऐ। नमीकरणीय उर्जा, हरित हाइड्रोजन ते इलैक्ट्रिक गड्डिएं दे क्षेत्र च 2030 तगर बदलाव सने स्वच्छ उर्जा मूल्ल श्रृंखला च 500 बिलियन अमरीकी डालर कोलां मती रास पूंजी लाने दी गुंजैश ऐ।

<><><><><><>

Israel-Hamas

गजा च इस्रायली ब्हाई हमले च 30 फिलीस्तीनी मारे गे न जिंदे च ज्यादातर बच्चे ते महिलां न। हमले च केई लोकें दे घायल होने दी बी खबर ऐ। हवाई हमले च मध्य गजा पट्टी स्थित इक स्कूल गी नशाना बनाया गेआ जित्थे विस्थापित लोक रवा करदे न। मकामी मीडिया नै दस्सेया ऐ जे इजरायली लडाकू जेट नै केई मिसाइलें कन्नै हमले कीते। तोआई इज्रायली सेना दा आखना ऐ जे उन्नै इस इलाके च केई आतंकवादिएं दा सफाया कीता ऐ। इस्राइल नै गजा च हमास ते उंदे सहयोगिएं पर फिलीस्तीनी शरणार्थिएं लेई संयुक्त राष्ट्र एजेंसी आस्सेआ

चलाए जा रहे स्कूलें, अस्पतालों ते होरनें सार्वजनिक बुनियादी ढांचे गी अपने आतंकी कम्मों लेई इस्तेमाल करने दा आरोप लाया ऐ।



ICC T20 World Cup

आईसीसी क्रिकेट विश्व कप दे इक मैच च कल भारत नै आयरलैंड गी 8एं विकेटें कन्नै हराया। दौनें टीमें बश्कार ग्रुप स्टेज दा एह पैहला मैच हा जेहड़ा न्यूयार्क दे नस्साउ काउंटी इंटरनैशनल स्टेडियम च खेडुआ गेआ। टॉस जित्तियै पैहले आयरलैंड गी बल्लेबाजी करने लेई आखेआ ते उंदी पूरी टीम गी 16एं ओवरें च कुल 96 रंज पर आउट करी दित्ता। हार्दिक पांडेया नै आयरलैंड दे त्रै ते जस्प्रीत बुमराह ते अर्शदीप सिंह नै दो-दो खडारी आउट कीते। परते च भारतीय टीम नै 12 ओवर ते 2 गेंदे च गै शडियां दऊं विकटां मोहाइयै जित्त दा लक्ष्य हासल करी लैता। कप्तान रोहित शर्मा नै 52 ते ऋशभ पंत नै 36 रंज बनाए। ग्रुप स्टेज च भारत दा अगला मैच 9 जून गी पाकिस्तान कन्नै ते ओहदे बाद 12 जून गी अमरीका कन्नै होग।



Gulmarg-Temple

घाटी दे सैलानी थाहर गुलमर्ग च मशहूर महारानी मंदर च अगग लगगी गई। अगग च पूरे मंदर गी बड़ा गै नुकसान पुज्जा ऐ। इस मंदरा दी इक खासा धार्मिक महत्ता ही, घाटी दा एह इक मशहूर तीर्थ स्थान हा। रिपोर्टें मुजब अगग 5 जून गी बडुलै कोई 3 बज्जियै 45 मैटें पर लगगी ते मकामी अगग साहलने आहली सेवा ते कनून बवस्था दे सेही समय पर पुज्जने परैत बी मंदरै च किश खास अगग करी नेई बचाई जाई सकेया ऐ। एह मंदर पूरी चाल्ली लक्कड़ दा बने दा हा जिस करी अगग जकदम तेज होई गई। तोआई जम्मू ते कश्मीर च प्रशासन नै इस तबाहकुन अगग दे लगने दे कारणें दा पता लाने दी जांच शुरू करी दित्ती ऐ।



JK-Weather Update

जम्मू ते एहदे आले-दुआले दे इलाकें दे लोकें गी कल बरखा, ऐन ते अंधी झक्खड़ चलने करी जबरदस्त गर्मी शा किश राहत थ्होई ऐ ते खित्ते च तापमान च बी बिंद कमी दर्ज कीती गई ऐ। जम्मू संभाग दे कठुआ, कटरा, रियासी, उधमपुर, बटोत, भद्रवाह, पुंछ ते केइएं होरनें इलाकें थमां बी बरखा बरने दियां रिपोर्टां हासल होइयां न। हासल जानकारी मुजब कटरा च श्री माता वैशणो देवी जी दी हैलीकाप्टर सेवा ते कन्नै गंडोला सेवा बी जंदी संजा खराब मौसम करी प्रभावत होई। तोआई मौसम विभाग मुजब जम्मू च कल्ले दा बद्धोबद्ध तापमान 41.9 डिग्री सैल्सियस दर्ज कीता गेआ।

